

Budućnost četiri miliona ljudi



Centralno pitanje sa kojim se suočavaju građani Bosne i Hercegovine jeste da li izbori koji će se održati 3. oktobra mogu okončati nefunkcionalnost i zastoj i vratiti zemlju na put ka stabilnosti, prosperitetu i euroatlantskim integracijama, reći će danas visoki predstavnik i specijalni predstavnik EU Valentin Inzko u uvodnom obraćanju na Ekonomskom fakultetu Univerziteta u Sarajevu.

U svjetlu dramatične stope nezaposlenosti koja pogađa više od polovine radno sposobnih građana BiH, visoki predstavnik/specijalni predstavnik EU će konstatirati da niko ne mora *izmišljati* strategiju da bi se zemlja izvela iz postojećeg zastoja jer su koraci koje treba napraviti jasno navedeni u Europskom partnerstvu i prihvaćeni od strane svih glavnih političkih stranaka u okviru europskih integracija. Međutim, ovi koraci nisu poduzeti i oni koji od građana traže još četiri godine na vlasti trebaju objasniti šta namjeravaju uraditi drugačije ukoliko im se pruži druga šansa.

Suočeni sa rastućom stopom nezaposlenosti i opadajućim životnim standardom, birači bi trebali gledati na izbore koji će se održati 3. oktobra i na naredne mjesece kao na priliku da traže od kandidata objašnjenje zašto nisu popravili stanje u ekonomiji, zašto ova zemlja ne napreduje brže na europskom putu i kako namjeravaju raditi bolje nakon 3. oktobra.

Visoki predstavnik/specijalni predstavnik EU će govoriti na Ekonomskom fakultetu u Sarajevu danas u 18:00 sati. Puni tekst obraćanja visokog predstavnika/specijalnog predstavnika EU će

se u to vrijeme moći naći na web stranicama www.ohr.int i www.eusrbih.eu.